




Pepè Morsicalupa, dettu PESCIV ANGUILLA, paria surtitu da a bocca di un falcu. Brutto, scalzu, scapi-gliatu, era vestutu cù una camisgia stracciata, un calzone troppu grande... è basta!
Cum'è tanti altri sgauffi bastiacci facia u mistiere di "cirer" è lustrava i scarpi è e buttine di i SGIO'



Fortunatu, u babbu, era piscadore di pesci è briaccone di professione.
Un omu incurcitu in a so miseria è chì minava colpi à u figliolu
quant'è à scote noce. Ma s'ellu ùn era à l'impruvisu ùn li si
mettia manu à dassu. E' ancu ! In fatti notava cum'è u pesciu
è sguillia cum'è l'anguilla.
Cù u figliolu è u maritu, Faustina avia u so da fà.



In Bastia ci eranu ancu i sgiò. U consigliere à a Corte d'Appellu MORFINI era di quessi. Si mischjara à u populu è u vidianu spessu pè isse cantine. Ma issa passione di u vinu ùn li cacciaja nè superbia nè disprezzu di a povera ghjente.



Trà i cumpagni di sciumbrina stava Ghjuvambattista Pallonda, dettu u TURCO' chì avia fattu à Crimea, l' Italia è u 1870. Quandu ellu era inturcatu si sentianu i mughji da a Marina sinu à U Puntettu.

Avia fattu una clicca : à u tamburu U SCIANCU, à a trumbetta GUADROCHJU è à u violinu MANGHJAPUCE. Eranu di tutte e feste, cuntenti di ritruvà, cantendu è sunendu, i ricordi di u regimentu. Cusì, si scurdavanu, pè una stonda, di a so viia straziata.

